

Na osnovu člana 12. Zakona o podršci nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu („Službene novine Tuzlanskog kantona“ broj: 16/20) i člana 3. Pravilnika o postupku kandidiranja projekata, dodjele, izvještavanja i praćenja realizacije sredstava sa potrošačke jedinice „Podrška nedovoljno razvijenim, nerazvijenim i izrazito nerazvijenim općinama“ („Službene novine Tuzlanskog kantona“, broj: 01/23), Ministarstvo privrede objavljuje:

JAVNI POZIV

za kandidovanje projekata za dodjelu nepovratnih novčanih sredstava iz Budžeta Tuzlanskog kantona za 2023. godinu u svrhu pružanja podrške nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu

I. PREDMET

Predmet Javnog poziva je kandidovanje projekata jedinica lokalne samouprave koji se nalaze na listi projekata iz **Programa javnih investicija Tuzlanskog kantona 2023.-2025. godine**, u cilju dodjele nepovratnih novčanih sredstava iz Budžeta Tuzlanskog kantona za 2023. godinu nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu.

II. NAMJENA SREDSTAVA

Sredstva iz ovog Javnog poziva namijenjena su za podršku nedovoljno razvijenim, nerazvijenim i izrazito nerazvijenim jedinice lokalne samouprave za finansiranje isključivo razvojnih projekata jedinica lokalne samouprave iz oblasti:

- proizvodnje, izvoza, osnivanja i razvoja malih i srednjih preduzeća,
- saobraćajne infrastrukture,
- obrazovanja,
- zdravstva,
- sporta i kulture,
- poljoprivredne proizvodnje i ruralnog razvoja,
- izgradnje novih, rekonstrukcije i održavanja postojećih objekata komunalne infrastrukture,
- razvoja i izgradnje turističkih kapaciteta,
- i za druge značajne projekte podrške lokalnom razvoju.

III. OPŠTI I POSEBNI USLOVI ZA OSTVARIVANJE PODRŠKE

Prijavu na Javni poziv mogu podnijeti jedinice lokalne samouprave sa područja Tuzlanskog kantona, koje ispunjavaju sljedeće uslove:

- Broj stanovnika: do 12.500,
- Površina: do 350 km²,
- Broj naseljenih mjesta: do 50,
- Indeks razvijenosti u rasponu: do 1,00.

Za primjenu navedenih podataka koristit će se posljednji objavljeni socioekonomski pokazatelji po općinama Federacije BiH utvrđeni od strane Federalnog zavoda za programiranje razvoja (Socioekonomski pokazatelji po općinama FBiH 2022., od 4.7.2023. godine).

IV. NAČIN I KRITERIJI RASPODJELE SREDSTAVA

Novčana sredstva iz Budžeta Tuzlanskog kantona za 2023. godinu kao kapitalni transfer nižim nivoima vlasti, sa potrošačke 11010023 – Podrška nedovoljno razvijenim, nerazvijenim i izrazito nerazvijenim općinama, dodijelit će se na osnovu sljedećih kriterija:

1) Minimalno učešće u raspodjeli budžetskih sredstava

Pojedinačno učešće jedinica lokalne samouprave u raspodjeli novčanih sredstava iz budžeta zasniva se na sljedećim omjerima:

- a. nedovoljno razvijenim jedinicama lokalne samouprave u pojedinačnim iznosima minimalno 5% od iznosa utvrđenog u budžetu,
- b. nerazvijenim jedinicama lokalne samouprave u pojedinačnim iznosima minimalno 10% od iznosa utvrđenog u budžetu,
- c. izrazito nerazvijenim jedinicama lokalne samouprave u pojedinačnim iznosima minimalno 15% od iznosa utvrđenog u budžetu.

2) Kriteriji za uvećenje minimalnog učešća po osnovu prihoda

Minimalni pojedinačni iznosi utvrđeni na osnovu kriterija iz tačke 1). uvećavaju se po osnovu prihoda jedinica lokalne samouprave u skladu sa sljedećim kriterijima:

- a. do 10% za jedinice lokalne samouprave čiji operativni prihodi iznose do 2.000.000,00 KM,
- b. do 5% za jedinice lokalne samouprave čiji operativni prihodi iznose od 2.000.000,00 KM do 3.000.000,00 KM,
- c. do 3% za jedinice lokalne samouprave čiji operativni prihodi iznose od 3.000.000,00 KM do 4.000.000,00 KM.

Napomena: Operativni prihodi jedinice lokalne samouprave uključuju poreske i neporeske prihode koje je ostvarila u protekloj fiskalnoj godini, a koje će jedinice lokalne samouprave dostaviti kao prilog uz prijavni obrazac.

3) Kriteriji za uvećenje minimalnog učešća po osnovu stope nezaposlenosti

Minimalni pojedinačni iznosi utvrđeni u skladu sa kriterijima iz tačke 1). uvećavaju se po osnovu stope nezaposlenosti jedinicama lokalne samouprave u skladu sa sljedećim kriterijima:

- a. do 5% za jedinice lokalne samouprave u kojima je stopa nezaposlenosti veća od 70%,
- b. do 3% za jedinice lokalne samouprave u kojima je stopa nezaposlenosti od 50% do 70%.

KUMULATIVNO UVEĆANJE UČEŠĆA

Za jedinice lokalne samouprave koje ispunjavaju sve navedene kriterije, vrši se kumulativno uvećanje pojedinačnih iznosa u raspodjeli sredstava, u skladu sa tačkama 1), 2) i 3).

V. NAČIN PRIJAVE I POTREBNA DOKUMENTACIJA

Podnosioci prijave mogu kandidovati **najviše dva projekta** za dodjelu nepovratnih novčanih sredstava, koji se nalaze na listi projekata **Programa javnih investicija Tuzlanskog kantona za period 2023-2025. godine. Kandidovani projekti ne mogu biti iz iste oblasti.**

Podnosilac prijave prilikom apliciranja na Javni poziv obavezno dostavlja:

- a) **Prijavni obrazac pojedinačno za svaki kandidovani projekat sa kojim aplicira (popunjen i ovjeren od strane načelnika ili ovlaštene osobe JLS, te ovjeren pečatom JLS), a koji se može dobiti u Ministarstvu privrede i putem web stranice Skupštine Tuzlanskog kantona: <http://www.skupstina.tk.gov.ba/>;**
- b) **Račun prihoda i rashoda u setu obrazaca godišnjeg obračuna za 2022. godinu, fotokopija originala, potpisana i ovjerena od strane načelnika ili ovlaštene osobe JLS;**
- c) **Predmjer i predračun radova sa procijenjenom vrijednošću projekta, potpisan i ovjeren od nadležne službe ili izvod iz glavnog projekta koji sadrži predmjer i predračun radova sa projektnom vrijednošću projekta, potpisan i ovjeren od strane projektanta (original ili ovjerena kopija);**
- d) **Izjava da se odobrena sredstva neće koristiti za isplatu plaća, naknada i dodataka na plaću zaposlenih i isplatu materijalnih troškova, potpisana od strane ovlaštenog lica i ovjerena od strane organa uprave.**

Podnosilac prijave popunjava sve rubrike Prijavnog obrasca, zaokružuje ponuđene opcije upita i odgovara za vjerodostojnost svih unesenih podataka. Prijavu potpisuje načelnik JLS ili druga osoba koju je ovlastio načelnik, a ista se ovjerava pečatom JLS. U slučaju da Prijavu potpisuje druga osoba koju je ovlastio načelnik, potrebno je priložiti i **fotokopiju originala ovlaštenja za potpisivanje.**

U Prijavi, u dijelu koji se odnosi na primjenu ispunjenosti općih i posebnih uvjeta za ostvarivanje podrške, unosit će se podaci koji su obuhvaćeni posljednjim objavljenim Socioekonomskim pokazateljima po općinama Federacije BiH utvrđeni od strane Federalnog zavoda za programiranje razvoja (Socioekonomski pokazatelji po općinama FBiH 2022., objavljeni 4.7.2023. godine).

Kandidovani projekti na Javnom pozivu će se razmatrati na osnovu dostavljenog Prijavnog obrasca, uz uvid u priloženu dokumentaciju. Neblagovremene prijave neće biti predmet daljeg razmatranja.

VI. OPĆE ODREDBE

Javni poziv ostaje otvoren **15 dana od dana objavljivanja na web stranici Skupštine Tuzlanskog kantona.** Prijave na javni poziv sa potrebnom dokumentacijom dostavljaju se lično ili poštom preporučeno na sljedeću adresu:

MINISTARSTVO PRIVREDE TUZLANSKOG KANTONA

Pisarnica Vlade TK, Fra Grge Martića br. 8, 75000 Tuzla

sa naznakom: „**Prijava na javni poziv za kandidovanje projekata za dodjelu nepovratnih novčanih sredstava iz Budžeta Tuzlanskog kantona za 2023. godinu u svrhu pružanja podrške nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu – NE OTVARAJ**”.

Na poleđini koverta obavezno navesti:

- Naziv podnosioca prijave;
- Adresu i kontakt telefon;
- Ovjeriti pečatom podnosioca prijave.

Prijave se dostavljaju zaključno sa **16.08.2023. godine (srijeda)**, odnosno prihvatit će se prijave koje imaju poštanski pečat najkasnije sa navedenim datumom.

VII. OSTALE ODREDBE

Na web stranici Skupštine Tuzlanskog Kantona: <http://www.skupstina.tk.gov.ba/> bit će objavljen:

- 1) JAVNI POZIV za kandidovanje projekata za dodjelu nepovratnih novčanih sredstava iz Budžeta Tuzlanskog kantona za 2023. godinu u svrhu pružanja podrške nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu;
- 2) OBRAZAC broj 1 za kandidovanje projekta.

Napomena:

- **Sredstva iz ovog poziva neće se dodijeliti za projekte koji se ne nalaze na listi projekata Programa javnih investicija Tuzlanskog kantona 2023-2025. godine.**
- Sredstva iz ovog poziva neće se dodijeliti za isplatu plaća, naknada i dodatka za plaću zaposlenih te isplatu materijalnih troškova.
- Transfer sredstva iz ovog poziva neće biti realizovan dok se ne opravdaju ranije dodijeljena sredstva iz Budžeta Tuzlanskog kantona sa potrošačke jedinice 11010023 – Podrška nedovoljno razvijenim, nerazvijenim i izrazito nerazvijenim općinama.
- U postupku javnog oglašavanja Ministarstvo privrede ne snosi nikakve troškove učesnicima na Javnom pozivu, te zadržava pravo da poništi Javni poziv.
- Prispjela dokumentacija po Javnom pozivu se neće vraćati.
- U slučaju nedostatka sredstava u Budžetu Tuzlanskog kantona obustavlja se realizacija dodjele sredstava u potpunosti ili djelimično, srazmjerno nedostajućim sredstvima.
- Vidljivost projekta će se precizirati odredbama ugovora o implementaciji nepovratnih novčanih sredstava.
- Informacije vezane za Javni poziv mogu se dobiti svakim radnim danom u terminu od 12.00 do 15.00 sati na broj telefona 035/369-353.
- Obzirom da je trenutno u toku rekonstrukcija web stranice Vlade Tuzlanskog kantona (www.vladatk.gov.ba), Javni poziv se objavljuje na web stranici Skupštine Tuzlanskog kantona (www.skupstina.tk.gov.ba).

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo privrede
Broj: 03/1-11-14698/23
Tuzla, 01.08.2023. godine



MINISTAR

Edin Đuraković, dipl. pravnik